

Հրովարտակ դրան Բեթղեհէմի : Խնդիր Գարբիէլ պատրիարքի : Եղև
Էպիսկոպոս : Կիրակոս Էպիսկոպոս . առաջին բաժին պարտուց : Նորո-
ղութիւն հրովարտակին վասն Գերեզմանին Քրիստոսի : Պատարագել
Հայոց 'ի վերայ Գերեզմանին Քրիստոսի : Հօճճէթ վասն հաւաար
բաժանորդութեան :

ՉԴՈՒՈՒՆ Բեթղեհէմի 'ի մէջ եկեղեցւոյն , զոր ետ
փակել Կուսակալն Դամասկոսի Սալէհ Փաշայ օրինօք Շէ-
րիի , եւ արգել զճանապարհն Լատինաց 'ի միջոյ եկե-
ղեցւոյն , եւ պատուիրեաց յայնժամ բերել հրովարտակ
յԱրքայէ վասն հաստատութեան գործոյն , որպէս գրեցաք :
Հայք մինչեւ ցայսվայր ոչ կարացին առնուլ զայն հրո-
վարտակ յԱրքայէ . 'ի փոփոխիլ Կուսակալաց Դամասկոսի
և Դատաւորաց Երուսաղէմի ամ յամէ՝ պարտաւորեալ էին
Հայք ծախիւք եւ աշխատութեամբ տալ նորոգել զհրա-
մանս նախորդաց նոցին , և Դատաւորք Երուսաղէմի հազիւ
ուրեմն հաճէին 5000 դահեկանաւ կնքել եւ հաստատել
զայն Հօճճէթ , և երբեմն սակս ազահութեան իւրեանց ,
իբր 'ի շնորհս Լատինաց սպառնային բանալ զդուռն զայն ,
որով նեղէին և կեղեքէին զիրօնաւորս Հայոց :

Եւ վասն թաղման ննջեցեւոց քրիստոնէից յիւրաքան-
չիւրէ առնուին 5 դահեկան , եւ 'ի բոլորիլ շրջանի տար-
ւոյն 5000 դահեկան : Եւ սակս արձանագրելոյ 'ի դատա-
րանի զհրովարտակս եւ զայլ հրամանս , պահանջէին զմեծ
գումարս դրամոց , որ սահմանեալ էր տալ միայն 100 դա-
հեկան : Զաքարիա վարդապետ սակս խափանելոյ զայսպիսի
անկարգութիւնս և զբռնութիւնս ժամանակին՝ էառ հրո-
վարտակ արքունեւստ (Խալիլի Շէրէֆ) ԿՅՀ 'ի ԿՅ Զիլգատէ
ամսոյ , և առաքեաց զայն յԵրուսաղէմ , զի փակեալ մնացէ
դուռն Բեթղեհէմի , և բարձցին տարապայման պահանջք
Դատաւորաց :

Գրեցին միաբանք Աթոռոյն առ հասարակ գիր բաղ-
մակնիք առ Պատրիարքն և առ իշխանաւորս ազգին 'ի Կոս-
տանդինուպօլիս , և աղաչանօք խնդրէին վերստին դար-